

**Leeter masa Pawl ma wuzlala
nga dey cew a
Timawte
Mey da ray
Leeter masa Pawl ma wuzlala
nga dey cew a Timawte**

Pawl a wuzlala leeter kede na, daa masa anɗa daa fərsəne da Rawm saya (1.8). Fara fara anɗa daa banay, a nəka na, ndaw mekele da cakay a daa ba, si Luk taava anɗa gway. Asaya, a wulkey a da məcey. A wuzlala leeter e na, ɗgada Timawte, ndaw masa anɗa ma wuɗa kalah anda bəzey anɗa. Timawte he na, anɗa da Efez ɗga vɔltar ɗədan ɗa ndəhay daa mecəmey-ray ɗga ndəhay ɗga Yesu fetede.

Pawl a wuzlala leeter e kede na, amba Timawte a daw a hətfar fiyaw. Pawl a, a wuɗey ɗga vɔlar ɗədan, asaya, ɗga kəta da ray sləra ɗga key ɗgada fa mey, maja a wulkey anɗa na, Rawma hay fa da kəɗmara vagay.

Mey mahura daa leeter e kede na, ara mey da ray menjey maaya daa cəved ɗga Yesu. Menjey maaya daa cəved ɗga Yesu na, ara anda ndaw-sewje mejerey daa vəram. ɗga njeɗ maaya ha na, si ndaw a bəsa banay, asaya, si a pa Yesu ɗga Bay anɗa Mahura, a key hwaray maja ba. Pawl a wuɗey Timawte a key baazlam da ray mey hay saw ba, a mbəɗtar dəba ɗgada ndəhay ma ka cek malamba hay,

asaya, a wufey amba a key cek anda Pawl ma ka. Pawl a wufey meesərkedey anga ta meesərkedey maaya nga bay-ray hay mekele mekele na, Timawte a mbəkda ba.

Daa leeter e keɗe na, mey mekele mekele daha nga voley gədan a ndəhay:

Mekey hwaray nga kedey mey da ray Bay aləkwa Mahura ba (1.8-10)

Maaya na, gula hay a hwam doreŋ ta cek maaya ba (2.22)

Derewel nga Gazlavay aa ta gədan nga jənta ndəhay (3.16)

Mecey-har

¹ Ara yah, Pawl, ma wuzlalakawa leeter keɗe. Yah na, *ndaw-meslərey nga *Yesu *Kəriste anda *Gazlavay ma wufey. Gazlavay a slərdaya fa ndəhay amba ya wuzdatara mey da ray heter mendəvey ba masa Gazlavay ma ləvey a da vəlɗatara a ndəhay macəmkaya ta Yesu Kəriste heyey.

² Ya wuzlala leeter keɗe na, ngada kah, Timawte, bəz adaw masa yah ma wuɗa kalah.

Anja Gazlavay, Papa aləkwa ta Yesu Kəriste, Bay aləkwa nga pəsmaka mey, nga sərfamaka dey-ceceh, asaya, nga njadamaka daa zazay.

Pawl a kar suse a Gazlavay maja Timawte

³ Ya fa sərfadaka mandaw mandaw taa vad, taa pas daa medərey-danɗay adaw. Ya fa kar suse a Gazlavay maja kah. Ya fa nar ray ta mevel maaya anda papan nga papa ala hay ma namar

ray zleezle. ⁴ Masa kah ma tōway * heyey na, ya fa sərƒada. Anda keƒe, matakƒam akah fa kaya. Ya wuƒey nga hətka fa dey amba yaa səmeƒ ga. ⁵ Ya kar suse a Gazlavay maja ya fa sərƒada, ka ta pa Yesu *Kəriste la nga ndaw akah fara fara ta mevel pal, anda mamaŋ nga mamakw Lawis ta mamakw Enis ma pamara nga ndaw ata fara fara teesed da ray akah. Ahaw, ya səra ka fa pa Yesu nga ndaw akah fara fara may.

⁶ Da ray ŋgene, ya fa ləvka saya: key sləra ma fəna ma fəna ta gədaŋ masa Gazlavay ma vəldakawa daa masa yah ma paka har a ray heyey. ⁷ Fara fara, Mesəfney masa Gazlavay ma vəldandakwara na, ara Mesəfney nga key sləra ta mandərzay daa dey ba. Mesəfney ŋga ha, a vəlndakwar gədaŋ, a jəndakwar nga wuƒey vaw, a pandakwar lenɡesl nga weƒ vaw.

⁸ Da ray ŋgene, ka da key hwaray nga kedey mey da ray Bay aləkwa Mahura ba. Fara fara yah daa fərsəne maja ŋga. Anda keƒe, ka da key hwaray nga kedey mey da ray adaw ba may. Ama maja *Mey-maaya-mawiya na, bəsa banay ta gədaŋ masa Gazlavay ma vəldakawa anda yah ma bəsa. ⁹ Gazlavay ta ləhdandakwar la, ta zəlndakwar la amba ya tərkwə nga ndəhay ŋga hay. A ka anda keƒe na, maja cek hay maaya hay masa aləkwa ma kakwa ba, ama maja aa ma wuƒey nga pəsndakwar mey cəŋga. Daa

1:3 1.3 Fəl 3.5; 1Tm 1.5 * **1:4** 1.4 ma tōway: Daa masa Pawl fa da mbəkdata ndəhay da Efez na, Timawte ta tōway la maja. Nəka SNM 20.37ta 1Tm 1.3. **1:5** 1.5 SNM 16.1 **1:6** 1.6 a paka har a ray: 1Tm 4.14; 5.22 **1:7** 1.7 Rm 8.15 **1:8** 1.8 2.9; Rm 1.16

masa bēla ta zlawā daa ba araŋ, Gazlavay a wufey ŋga pēsndakwar mey maja slēra masa Yesu Kēriste ma da ka. ¹⁰ Wure kedē, mepōsey-mey a ta wuswa cay, maja Yesu Kēriste, ndaw ma lōhdandakwar, ma sawa a bēla. Ara maja aŋga, gōdaŋ ŋga memōcey daa saba, asaya, ara aŋga ma vōltar heter mendōvey ba a ndōhay ta fa Mey-maaya-mawiya.

¹¹ Yah na, Gazlavay ta paya la ŋga ndaw aŋga meslōrey, amba ya wuzdatara Mey-maaya-mawiya kedē a ndōhay, yaa sērkatata. ¹² Da ray ŋgene, ya fa sōrey banay daa fōrsōne kedē. Ama hwaray fa kaya maja daa ba, maja ya sōra ndaw masa yah ma pa ŋga ndaw adaw fara fara. Ya sōra fara fara aŋga na, aa ta gōdaŋ ŋga jōda Mey-maaya-mawiya masa aa ma mbōkdiwa a har adaw haa kasl pas masa aa ma da vōhwa.

¹³ Da masa ka fa wuzey mey ŋga Gazlavay na, wuzey mey hay maaya fara fara letek ta mey hay masa yah ma wuzdatakawa maaya. Tōba mey a amba ka hōtey gōdaŋ daa mey ŋga Yesu ma fōna ma fōna, wudta ndōhay maja kah macōmkaya ta Yesu Kēriste. ¹⁴ Mey-maaya-mawiya masa Gazlavay ma mbōkdakawa a har akah kedē na, ka da vōley cōved a ndaw ŋga mbōdda mey a wal ba. Ka da ka anda kedē ta gōdaŋ ŋga *Mesōfney ŋga Gazlavay masa aa daa mevel alōkwa.

Mey da ray Awnesifar

1:9 1.9 Ef 2.8-9; Tit 3.5 **1:10** 1.10 Jan 1.14; Tit 3.6; memōcey, heter mendōvey ba: 1Kwr 15.20, 55, 57; Heb 2.14-15 **1:11** 1.11 1Tm 2.7 **1:13** 1.13 1.5; 1Tm 1.10 **1:14** 1.14 1Tm 6.20

¹⁵ Ka sɛra, ndɔhay tabiya ma tɔba mey nga Gazlavay daa hwayak nga Azi na, ta mbɔkdamaya sem. Kwa ata Figel ta Hɔrmawzen may, ta mbɔkdamaya sem. ¹⁶ Ama Awnesifar na, ta pas langar fa sawa nga vɔlya gɔdan. Anja Bay Gazlavay nga pɛstar mey a ndɔhay da way anɔa. Awnesifar na, kwa ta key hwaray ta ndɔhay nga nɔkyawa daa fɛrsɔne na, daa ba. ¹⁷ Ama, sasɛkar jak, anɔa ma sawa aa berney nga *Rawm fede na, ta', a sɔpya ta dɔk-vaw haa aa ma hɔtya. ¹⁸ Ka fa sɛra maaya maaya anɔa ta jɔnya la ga daa masa yah da Efez. Anja Bay Gazlavay nga sɛrfar dey-ceceh ta pas sariya.

2

Mey da ray ndaw nga Yesu ma key slɔra maaya

¹ Bɔz adaw, jerey maaya maaya amba Gazlavay a vɔlka gɔdan ma fɔna ma fɔna ta fa maaya anɔa masa alɔkwa ma hɔtkwa fa Yesu *Kɔriste. ² Mey masa kah ma cɔnda fa yah zleezle masa yah ma wuzda fa mey nga ndɔhay ga heyey na, wuzdatara a ndɔhay ma tɔba mey nga Yesu ta mevel pal ma gwamara ngaa sɛrkadamatara a ndɔhay mekele.

³ Da banay a hɔtfaka maja Yesu Kɔriste na, bɔsa banay a anda kah na, sewje anɔa masa maaya. ⁴ Da sewje masa maaya, anɔa daa vɔram, a wufey amba bay anɔa aa hɔmda na, kwa a wulkey ta cek hay mekele ba, si ta vɔram a gway. ⁵ Wulkey may, da ray ndɔhay ma kam kwakurda.

Da ndaw ta ka ta cøved e daa ba na, a gwa nga høtey cek maja anga ma fønta ndøhay mekele na, daa ba. ⁶ Wulkey da ray ndaw mehøvey, fa sørey banay kalah. Anja maaya na, anga ma da zøma cek masa anga ma høva ha teesed. ⁷ Yaw, wulkey da ray mey adaw hay masa yah ma kadakawa kede. Anda kede, Bay aløkwa Mahura a vølka lenjesl la nga cønda mabara nga mey adaw hay a tabiya.

⁸ Wulkey da ray Yesu Køriste, søkway nga Bay *Davit. Ta møcey la, ama ta sløkdawa sem daa memøcey. Kede ara *Mey-maaya-mawiya masa yah ma wuzdatara a ndøhay. ⁹ Ara maja Mey-maaya-mawiya ha, wure kede ya fa sørey banay haa a jøwmaya ta calalaw aa førsøne, anda yah ndaw-mayal ma sla day nga ndaw. Ama mey nga Gazlavay na, majøwkaya daa ba. Ndøhay mekele fa wuzdamara cønga. ¹⁰ Da ray ngene, ya fa bøsa banay tabiya ma sawa a ray adaw, amba ndøhay masa Gazlavay ma walata, a løham ta fa Yesu Køriste, a njam ta Gazlavay daa slam anga mewedey nga sørmataw.

¹¹ Ehe, mey masa yah ma daa guzlda kaa na, ara mey masa fara fara:

«Da aløkwa ta møkwa ta Yesu la na,
ya sløkdakurwa la nga njey ta dey ta anga may.

¹² Da aløkwa ta bøskwa banay a la na,
ya da wakwa da ray cek hay bama ta anga may.

2:5 2.5 4.7-8 **2:8** 2.8 Rm 1.3-4; 1Kwr 15.4 **2:9** 2.9 1.8; Ef 3.1; Føl 1.12-14 **2:10** 2.10 Rm 5.2; Kwa 1.24 **2:11** 2.11 Rm 6.8

Ama da aləkwa ta ləvkwa sem ya sərkwā ba na,
 aŋga may, a da ləvey a sərndakwar ba.

¹³ Kwa da ya mbəkda kwa mey aŋga na,
 ama aŋga na, fa da mbəkda mey aŋga daa
 ba,
 maja a gwa ŋga nəsa ray aŋga ba.»

Mey da ray sləra ma mbafar a Gazlavay

¹⁴ Wurtar sləmay da ray mey keɗe a ndəhay.
 Kətata ta mezəley ŋga Gazlavay, amba a kam
 baazlam saw da ray mey hay ba. Fara fara,
 mekey baazlam saw na, ara cek ŋga tede, a
 nəsta ndəhay ma jəkam sləmay fa baazlam a.

¹⁵ Kah na, key gədaŋ, amba Gazlavay aa səmey
 da ray akah. Ka sləra akah maaya anda ndaw
 ma key sləra ma par hwaray ba. Anda meləvey,
 wuzdatara mey masa fara fara a ndəhay ta cəved
 e.

¹⁶ Yaw, baazlam mehursley na, ka da
 ndəkwey a hwad a ba, maja ara cek ma mbafar
 a Bay Gazlavay ba. Ndəhay ma kam baazlam
 anda ŋgene na, faa zədam daa cəved ŋga Bay
 Gazlavay ma fəna ma fəna. ¹⁷ Mey masa ata ma
 wuzdamara na, a bədhey anda mbəlek gurleŋ.
 Ata Himene ta Filet na, ata da wuzlah ndəhay ma
 kam baazlam a. ¹⁸ Ta mbəkdamara mey masa
 fara fara sem, a mbərzlam, a ləvam Gazlavay
 ta sləkɗadatərwa ndəhay daa meməcey cay. Da
 ray ŋgene, ndəhay mekele hay, ta mbəkdamara
 cəved ŋga Gazlavay sem maja mey ata ha.

¹⁹ Ama mey masa Gazlavay ma kada na, aa fara

2:12 2.12 Mt 10.32-33; Rm 5.17 **2:13** 2.13 Rm 3.3-4 **2:14**
 2.14 1Tm 1.3-7; 6.4; Tit 3.9 **2:15** 2.15 1Tm 1.10 **2:16** 2.16
 1Tm 1.4 **2:17** 2.17 Himene: 1Tm 1.20

fara, a mbøfey ba. Mey a na, anda salay nga way masa ta gədan. Ehe, mey mawuzlalakaya da ray a, a ləvey: «Bay Gazlavay a sərta ndəhay anga hay.» Mawuzlalakaya saya, a ləvey: «Kwa waawa ma zəla Gazlavay Bay anga na, si a mbəkda mekey cek hay maaya ba hay.»

²⁰ Da way ndaw mahura na, ka hətfey cek hay mezəmey cek na, taasa hay nga bərey maaya daada ba. Ama vəley hay ta gandaf hay daha may. Siya, nga zəmey cek ta pas gwagway. Siya, nga zəmey cek ta pas mabara.

²¹ Yaw, da ndaw ta mbəkdata cek hay maaya ba tabiya sem na, anga anda taasa nga bərey maaya, anga mapakaya wal ngada Bay anga. Ndaw a na, anga maaya nga kar sləra ngada Bay anga. Anga madiykaya vaw nga kar sləra tabiya masa maaya.

²² Yaw, hway dərən ta cek hay maaya ba masa gula hay ma wudam nga kamara. Key cek ta cəved e, təba mey nga Yesu ma fəna ma fəna, wufey ndaw. Njam ta zazay ta ndəhay ma dərəm dangay a Bay aləkwa Mahura Yesu ta mevel maaya.

²³ Da ndəhay fa kam yawa saw na, ka da ndəkwey a hwaɸ a ba, maja ka səra mekey yawa saw na, a handawa mekəfey-vaw.

²⁴ Ndaw ma ka sləra nga Gazlavay na, a key baazlam ba. Si a katar maaya ngada ndəhay tabiya, a tərey ndaw ma wuzey mey maaya, a bəsa cek ma key maaya ba tabiya fa mey anga.

²⁵ Ndəhay ma təbmara mey anga ba na, si aa

2:19 2.19 Mesl 16.5; Jan 10.14 **2:20** 2.20 Rm 9.21 **2:21** 2.21
3.17 **2:22** 2.22 1Tm 6.11 **2:23** 2.23 2.16 **2:24** 2.24 1Tm
3.3; Tit 2.7-8

særkadata ta døk-vaw. Da kaa tøde Gazlavay a jønta la kwa, amba a mbøfdamara mevel ata nga serey cøved masa maaya fara fara. ²⁶ Da ray ngene, a mbøfdamara mewulkey ata maaya ba ngene, a løham daa gadaŋ nga bay-malula masa ma kørzata amba a kamar cek anda aa ma wudfey heyey.

3

Mey da ray banay ta pas masa bøla gweegwe a ndøvey

¹ Søra maaya maaya, ta pas masa bøla gweegwe a ndøvey na, banay a sawa la a ray ndøhay, ² maja ndøhay a da wudfam na, si ray ata hay gway. A da wudfam dala kalah, a da zlapam, a da cødmara Gazlavay, fa da tøbmara mey nga papa ata hay ta mama ata hay daa saba, fa da kam suse a ndaw daa saba. Cek maaya nga Gazlavay na, a da røsmara, ³ fa da wudfam ndøhay daa saba, kwa ndøhay da way ata hay na, fa da wudmata daa ba, fa da søram dey-ceceh fa ndøhay daa saba, a da kam mbada fa ndøhay, fa da wam vaw fa ray ata daa saba, a da tøram ndøhay masa-høma. Cek hay masa maaya na, fa da wudfam daa ba, ⁴ a daa døfam mey a ray ndøhay, a da kam cek hay saw, a da zlapam kalah. Fa da wudmara Gazlavay daa ba, ama a da kam na, si cek hay masa ma mbafatar gway. ⁵ A da pamara ray ata anda ndøhay nga Gazlavay, ama a da røsmara gødan

2:25 2.25-26 1Tm 2.4 **3:1** 3.1 1Tm 4.1; 2Pi 3.3; 1Jn 2.18; Jud 18 **3:2** 3.2-4 Gal 5.19-21

nga Gazlavay. Ama kah na, hway la ta ndəhay ηgene.

⁶ Kwa wure kefe, ndəhay da wuzlah ata fa diyam a way ndəhay ηгаа sərkadamata. A mbəzam anda ndəhay maaya, amba ηgusay manjar lengesl a təbmatara mey ata. ηgusay a ηgene ta kam mebərey la ga. A wudam ηгаа cəney mey hay mekele mekele masa ma mbafatar. ⁷ Mandaw mandaw, a wudam ηгаа sərkey cek, ama a gwamara ηгаа sərmara mey masa fara fara ba səlak. ⁸ Ndəhay ma səpmata way hay ηgene, a wudam mey masa fara fara ba, anda ata Janes ta Jambəres * zleezle ma tərām masa-gəra ηгаа Mawiz. Ndəhay ma səpmata way hay a na, mewulkey ata maaya ba, a pamara Gazlavay ηгаа ndaw ata fara fara ba. ⁹ Ama fa da gwamara ηгаа diyam fa mey fa mey daa ba, maja mewulkey ata maaya ba ηgene a wuzwa la a palah, anda mewulkey maaya ba ηгаа ata Janes ta Jambəres ma wuzwa zleezle.

Pawl a kəta Timawte

¹⁰ Ama kah na, ka səra cek masa yah maa sərkatadata tabiya a ndəhay. Ka səra menjey adaw maaya maaya. Ka səra mewulkey adaw da ray cek hay masa yah ma da kata tabiya. Ka səra ya fa pa Gazlavay ηгаа ndaw adaw fara fara. Ka səra yah ndaw meekwed-mey, ya fa wudey

3:5 3.5 Mt 7.15, 21; Rm 2.19-20; Tit 1.16 **3:6** 3.6 Tit 1.11

* **3:8** 3.8 Janes ta Jambəres na, daa mewulkey ηгаа Jəwif hay, ara ndəhay Ejip hay ma kam maazla merəzley ndəhay fa mey ηгаа Bay Ejip amba a nəsmara mey ηгаа ata Mawiz ta Aranw. Nəka daa dərewel ηгаа Mab 7.11, 22. **3:8** 3.8 Mab 7.11, 22; 8.3, 14; 1Tm 6.4-5

ndaw, yah malacakaya den e da ray mey nga Gazlavay. ¹¹ Ka sɛra ndɛhay ta sɛrdamaya banay la. Ka sɛra yah daa banay ga. Ka sɛra cek maaya ba masa ndɛhay ma kamiwa daa hwayak nga Antiyaws ta daa hwayak nga Ikwaniyum, ta daa hwayak nga Listɛra. Ahaw, ta sɛrdamaya banay la ga, ama mandaw mandaw Bay Gazlavay fa lɛhdaya dasi har ata. ¹² Yaw, kwa waawa macɛmkaya ta Yesu *Kɛriste, ma wudɛy nga sɛpa cɛvedɛ nga Gazlavay fara fara na, si a sɛrey banay dasi har nga ndɛhay. ¹³ Ama ndɛhay maaya ba ta ndɛhay ma mbɛrɛzlam na, menjey ata fa nɛsey ta gɛdanɛ ta gɛdanɛ, fa fɛcam ray ata, asaya, fa fɛcmata ndɛhay mekele hay may.

¹⁴ Ama kah na, lecey den e da ray mey hay masa ndɛhay nga Gazlavay maa sɛrkadamakawa masa kah ma tɛba ta mevel pal. Lecey den e da ray mey hay a maja ka sɛrta ndɛhay maa sɛrkadamaka na, aa sɛrkadamaka ta cɛvedɛ e. ¹⁵ Asaya, lecey den e da ray mey hay a maja ka sɛra mey daa dɛrewel nga Gazlavay dɛga kah daa bɛzey. Mey hay a, a gwa a paka lɛngesl nga pey Yesu Kɛriste nga ndaw akah fara fara, amba Gazlavay a lɛhdaka.

¹⁶ Mey tabiya mawuzlalakaya daa dɛrewel nga Gazlavay na, a sawa ta fa Mesɛfney anɛga. A jɛndakwar nga sɛrey cɛvedɛ masa fara fara. A kɛndakwar da ray cek hay maaya ba. A wuzdandakwara cek masa alɛkwa ma kakwa

3:10 3.10 Rm 16.24; 1Tm 1.5 **3:11** 3.11 SNM 13.50; 14.5; 14.19; banay: Ps 34.20; 2Kwr 11.23-29 **3:12** 3.12 Mt 16.24; Janj 15.20; SNM 14.22; 1Tes 3.3 **3:14** 3.14 2.2; 1Tm 1.10 **3:15** 3.15-16 Janj 5.39; Rm 15.4; 1Tm 4.13; 2Pi 1.21

maaya ba amba ya mbəfdakwa menjey aləkwa. Asaya, a pandakwar lenjesl amba ya sərkwā nga key cek maaya ta cəved e. ¹⁷ Da ray ngene, ndaw nga Gazlavay a gwa nga key sləra tabiya masa maaya, maja vaw anga madfiykaya nga ka sləra ha.

4

Pawl a kəta Timawte nga wuzey mey nga Gazlavay

¹ Yesu *Kəriste a vəhwa la nga zəma bay anga, ta nga katar sariya a ndəhay maməctakaya hay ta masa ta dey hay. Da ray ngene, ya fa ləvka saya fa mey nga Gazlavay, ta fa mey nga Yesu Kəriste, ² wuzdatara mey nga Gazlavay a ndəhay. Kwa fa wudam nga cəndamara, kwa fa wudam nga cəndamara daa ba na, wuzdatara mey a mandaw mandaw cəngga. Da ndəhay fa kam cek maaya ba na, wuzdatara mebərey ata ha, patar lenjesl. Vəltar gədan amba a kam cek maaya. Sasərkadata ta mevel maaya. ³ Ya ləvka anda keđe maja pas a, a wuswa la, masa ndəhay ma da gəmam nga cəndamara mey nga ndəhay maa sərkadamatara mey masa fara fara saba. Ama a da səpam nga key cek maaya ba anda mevel ata ma wudəy. A da kusam ndəhay mekele mekele ga ngaa sərkadamata. Ndəhay maa sərkadamata ha, a da wuzmatar na, cek hay masa ma mbafatar nga cəney. ⁴ Fa da jəkam sləmay fa mey masa fara fara daa saba. A da

3:17 3.17 2.21 **4:1** 4.1 SNM 10.42; 2Kwr 5.10; 1Pi 4.5 **4:2**
4.2 SNM 20.20, 31; Tit 1.13 **4:3** 4.3 1Tm 1.10; 4.1

jøkam slømay si fa mamba hay saw. ⁵ Ama kah na, jødfa ray akah kwa daa meeme cøpa, bøsa banay, wuzdatara *Mey-maaya-mawiya a ndøhay, ka sløra akah masa Bay Gazlavay ma vøldakawa haa mendøvey a.

Pawl a ndøvda sløra anga

⁶ Yah na, anda cek ma vøley ngada Gazlavay, pas adaw ta wuswa cay, mamba ya da møcey.

⁷ Ya ta ka sløra nga Yesu *Køriste la ta mevel adaw ndav anda ndaw ma key bay-gula daa wuday *. Ya ta ndøvda sløra masa Gazlavay ma vøldiwa nga key sem anda ndaw ma key kwakurda maaya. Da ray mey hay masa aløkwa ma tøkwa na, kwa ya ta mbøkey mey pal daa ba sølak. ⁸ Wure keðe, mawurbay nga sløra adaw masa yah ma da høtar na, fa søkwyda da vad maja yah ma kar sløra ta cøved e a Bay Mahura. Ara anga ma da katar sariya a ndøhay tabiya ta cøved e. A da vøldiwa mawurbay a ta pas masa anga ma da ka sariya. A da vølda na, ngada yah taava adaw ba, ama a da vølda ngada ndøhay tabiya masa ma søkwmara mavøhwa anga ta meesømey.

Mey da ray ndøhay mekele

⁹ Wuswa vaw, sawa, høtfaya, ¹⁰ maja Demas ta mbøkdaya sem. A wudfey nga søpey cek hay masa da bøla keðe kalah. Anga sem a Tesalawnik. Køresens anga sem a Galati, Tit

4:4 4.4 1Tm 1.4 **4:6** 4.6 Føl 2.17; 2Pi 1.14 * **4:7** 4.7
wudfay: megørtøy-vaw, mewøkey-vaw **4:7** 4.7-8 1Kwr 9.24-25;
Føl 3.12-14; 1Tm 1.18

aŋga sem a Dalmati. ¹¹ Wure kede na, si ala ta *Luk gway. Da ka fa sawa na, ŋgələrwa *Mark a har maja a jənya la daa sləra. ¹² Ya ta slərda Tisik sem a Efez. ¹³ Da masa ka fa sawa na, sawa ta daa berney ŋga Tərwas, təbyawa zana adaw ŋga memed da har Karpus. Latərwa dərewel hay a har saya. Ya wudəy kalah na, dərewel masa ŋga ambal.

¹⁴ Alekzandəre, ndaw-mbəzla, ta sərdaya banay la ga. Bay Gazlavay a sərda banay la təde fa sləra aŋga ha may. ¹⁵ Wey vaw, ba na, a da sərdaka banay kəne may, maja aŋga masa-gəra aləkwa, a təba mey masa aləkwa ma wuzdakwa a ndəhay ba səlak.

¹⁶ Ata ma handamaya ŋgeeme fa mey ŋga ndəhay ma ka sariya amba ya mbədda mey adaw na, kwa ndaw ta sawa ŋga jənya daa ba. Ndəhay tabiya ta mbəkdamaya sem. Anja Gazlavay ŋga mbədtar ray maja ba. ¹⁷ Ama Bay Mahura na, aa ta yah, fa jənya. Ta vəlya gədan la ŋga wuzda mey aŋga tabiya, amba ndəhay masa *Jəwif hay ba ma samawa daa hwayak hay mekele mekele ga a cəndamara mey a. Asaya, Bay Mahura ta ləhdaya la da mey mabar. ¹⁸ Ya səra Bay Mahura a ləhdaya la daa cek hay maaya ba tabiya, a jəfyə la amba ya daw aa slam masa aŋga ma wey da ray ndəhay da vad.

4:10 4.10 Fəl 2.21; Demas: Kwa 4.14; Flm 24; 1Jn 2.15; Tit: 2Kwr 2.13 **4:11** 4.11 Luk: Kwa 4.14; Mark: Kwa 4.10 **4:12** 4.12 Tisik: Kwa 4.7-8 **4:13** 4.13 SNM 20.6 **4:14** 4.14 Mt 16.27; Alekzandəre: 1Tm 1.20 **4:16** 4.16 1.15 **4:17** 4.17 Dan 6.21; Ps 22.22; SNM 1.8; 23.11

Anja ndəhay nga həlmamara Bay Mahura nga sərmataw! *Amen.

Mey nga madagway-dakw

¹⁹ Catar har ngada ata Pəresil † ta Akilas. Catar har a ndəhay da way Awnesifar may. ²⁰ Eraste, a lawa da Kwarinti. Tərawfim na, ya mbəkdərwa da Mile maja vaw fa car. ²¹ Wuswa vaw, wuskwaa kiya nga memed a da wuswa na, kah ma sawa cay.

Ata Ebulus, Pudens, Linus, leŋ Kəlawdiya ta məlma aləkwa hay daa mecəmey-ray nga ndəhay nga Yesu mekele tabiya fede a camaka har.

²² Anja Bay aləkwa Mahura nga njeý ta kah. Anja maaya nga Gazlavay nga njeý ta akwar.

4:18 4.18 2Kwr 1.10; Fəl 1.19-20 † **4:19** 4.19 Pəresil: A zəlmara daa slam mekele Pəriska. Nəka SNM 18.2. **4:19** 4.19 Pəresil ta Akilas: SNM 18.2; Awnesifar: 2Tm 1.16-17 **4:20** 4.20 Eraste: SNM 19.22; Rm 16.23; Tərawfim: SNM 21.29 **4:22** 4.22 Gal 6.18

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811